

Labib pou Zanfan  
prezant



Noe ek Gran  
Inondasion



Ekrir par: Edward Hughes

Ilistre par: Byron Unger; Lazarus  
Alastair Paterson

Adapte par: M. Maillot; Tammy S.

Tradir par: [www.christian-translation.com](http://www.christian-translation.com)

Prodir par: Bible for Children  
[www.M1914.org](http://www.M1914.org)

©2021 Bible for Children, Inc.

Lisans: Ou ena drwa kopie swa inprim sa zistwar la, tan ki ou pa vann li.



Noe ti enn zom ki finn ador  
Bondie. Tou lezot dimounn  
ti deteste ek ti pe dezobeir  
Bondie. Enn zour, Bondie finn  
dir kiksoz bien soka. "Mo  
pou detrir sa lemond modi


la," Bondie finn  
dir Noe.

"Zis to fami  
ki pou sove."



Bondie finn averti Noe ki enn gran inondasion pou vini ek pou kouver later. "Aranz enn lars diboi, enn bato ki pou ase gran pou to fami ek pou boukou zanimo," Bondie finn ordonn Noe. Bondie finn donn Noe bann instriksion ki bizin, ek Noe finn

koumans  
travay  
lor la!



Bann dimounn ti pe  
sirman mok Noe kan  
li ti pe explik zot  
kifer li ti pe aranz  
enn lars.

Noe ti pe  
kontign ranze.  
Li ti pe osi kontign  
koz ek dimounn lor  
Bondie. Personn pa  
finn ekout li.



Noe ti ena enn gran lafwa.  
Li ti kroir Bondie mem kan  
zame inn gagn lapli avan.  
Biento lars la ti pare pou  
ranpli avek provizion.



Aster ti bann zaimo zot tour. Bondie finn amenn  
set koup depi enn espes, ek de depi lezot espes.  
Bann gran ek tipti zwazo, bann bien tipti  
ek bien gran zaimo finn pran  
zot sime ver  
lars.



Posib bann dimounn ti pe insilte Noe  
kan li ti pe fer bann zanimo  
rant dan bato. Zot pa finn  
aret fer pese kont Bondie.  
Zot pa finn demann  
pou rant dan lars.








Finalman,  
tou zaimo ek  
zwazo finn rant  
dan lars. "Rant dan  
bato," Bondie finn dir  
Noe. "Twa ek to fami."  
Noe, so madam, so trwa garson  
ek zot madam finn rant dan lars.  
Lerla, Bondie finn ferm laport!



Aprè lapli finn  
koumans tonbe. Lapli  
toransiel finn inond  
later pandan karant  
zour ek karant nwi.





Dilo lapli  
finn kouver bann  
lavil ek bann vilaz. Kan lapli  
finn arete, mem bann montagn  
ti anba dilo. Tou seki ti  
pe respire finn mor.



Kan dilo ti pe monte, lars la  
ti pe flote. Kapav andan ti  
pe fer nwar, kapav ti pe  
gagn sekous, ek kapav ti pe  
fer per. Me lars la finn  
protez Noe depi inondasion.



Aprè senk mwa inondasion, Bondie  
finn avoy enn divan pou fer later sek.  
Dousman, lars la finn aret lao montagn  
Ararat. Noe finn res andan pou  
ankor karant zour pandan ki nivo  
dilo ti pe bese.




Noe finn avoy enn korbo ek enn kolomb par enn  
lafnet ouver. Kan li pan trouv okenn plas sek pou li  
poze, kolomb la finn retourn kot Noe.



Enn semenn apre, Noe  
finn esey ancor. Kolomb  
la finn retourne avek enn  
fey zoliv dan so labek.  
Semenn answit Noe finn  
koner ki later inn sek akoz  
kolomb la pan revini.



Bondie finn dir Noe ki finn ariv ler pou  
kit lars la. Ansam, Noe ek so fami  
finn retir tou zanimò depi bato la.





Noe ti sirman bien rekonesan! Li finn aranz enn latab pou sakrifis ek li finn prie Bondie akoz Li finn sov li ek so fami depi enn terib inondasion.





Bondie finn  
donn Noe enn zoli  
promes. Zame  
Li pou re avoy enn  
inondasion pou ziz pese  
bann zom. Bondie finn  
donn enn gran

rapel de So  
promes. Bondie  
finn kree larkansiel  
kouma enn rapel  
de So promes.

Aprè inondasion,  
Noe ek so fami  
finn rekoumans enn nouvo lavi.  
Avek letan, so bann desandan  
finn repeple antie later. Tou  
nasion lor later vinn depi  
Noe ek so bann  
zanfan.



# Noe ek Gran Inondasion

Enn zistwar depi parol Bondie, Labib,

trouv dan

Zenez 6-10

"Dekuvrir To bann Parol aport lalimier."

Som 119:130



Lafin



Sa zistwar Labib la dir nou lor nou merveye  
Bondie ki finn kree nou ek ki anv'i zot kone Li.

Bondie kone nou finn fer bann move zafer, ek Li apel sa pese.  
Pinision pou pese se lamor, me Bondie kontan twa telman boukou  
ki Li finn anvoy So sel Garson, Zezi, pou mor lor enn Lakrwa ek  
finn et pini pou to bann pese. Lerla Zezi finn regagn lavi ek Li  
finn al So lakaz dan Paradi! Si to kroir dan Zezi ek to demann Li  
pardon pou to bann pese, Li pou fer li! Li pou vini ek Li pou viv  
dan twa aster, ek to pou viv ek Li pou touzour.

Si to kroir samem laverite, dir sa Bondie:  
Ser Zezi, mo kroir ki Toem Bondie, ek To finn vinn enn zom pou  
mor pou mo bann pese, ek aster To pou viv ankor. Silteple vinn  
dan mo lavi ek pardonn mo bann pese, koumsa mo kapav gagn enn  
nouvo lavi aster, ek enn zour mo pou al avek Twa pou touzour. Ed  
mwa pou obeir Twa ek viv pou Twa kouma To zanfan. Amen.

Lir Labib ek koz avek Bondie toulezour! Zan 3:16

